

khan

Chóng-pian-chip  
Pian-chip kap Siat-kè  
Publisher

Tē<sup>n</sup> Si-chong  
Koa Khá-lē  
Ko-hiông Tâi-gí Lô-má-jī Gián-síp-hōe

---

---

## Tâi-ôan Bó-gí Su-chu ê Su-khó

Tiu<sup>n</sup> Hók-chū Hōe-tiú<sup>n</sup>

Kàu-iók-pō tī kin-nī 3--gòeh kí-pān Bó-gí su-chu jīn-chèng khó-chhi. Lóng-chóng ū chhiau-kòe 3,000 lāng thong-kòe, thèh-tiòh chu-keh thang khi hák-hāu chò bó-gí kàu-iók ê kang-khòe, sui-bóng m̄-sī chèng-sek ê kàu-su. M̄-kú, kàu-ta<sup>n</sup> lóng-chóng chia<sup>n</sup> kan-ta ū 8 % ê lāng siū-tiòh phèng-chhiá<sup>n</sup> khi hák-hāu kà bó-gí nā-tiā<sup>n</sup>. Chhun ê lóng iáu bih tī chhù--nih teh hài<sup>n</sup> káu-bó-so!

Tī chia, lán beh chèng-sek hō-iók KIP(Kàu-iók-pō), chhiá<sup>n</sup> kok kōan-chhī chīn-liōng phèng-chhiá<sup>n</sup> chia<sup>n</sup>-ê lāng khi hák-hāu kà-chheh. Hō in ū ki-hōe thè lán ê gín-á hók-bū. Siāng-sī mā beh kiàn-gī, chia<sup>n</sup>-ê lāng ê chu-keh kap bó-gí lêng-lèk su-iau koh khak-jīn kap chìn-siu. KIP ū pit-iàu tēng 1-ê pān-hoat, hō tãi-ke ū phiau-chún thang chun-siú. Nā-sī lāu-su ták-nī lóng ū koh chìn-pō, Tâi-ôan bó-gí chia<sup>n</sup> ē tòe teh chìn-pō. Che chin iàu-kín!

Koh lâi, KIP ài kín-kín khai-sí tī tãi-hák lâi-bīn khui-siat bó-gí kàu-iók hák-thēng. Hō chit-má ê hák-seng thang sóan-siu, tùi in pit-giáp liáu beh khi hák-hāu kà Tâi-ôan bó-gí ū chiá<sup>n</sup>-bīn ê pang-chān. Mā thang hō pát-kho ê lāu-su lâi sóan-siu, āu-pái thang chò chèng-sek ê Tâi-ôan bó-gí kàu-su.

Siōng-bóe, chiū-sī kóa<sup>n</sup>-kín siat-líp Tâi-ôan Gí-bùn Hák-hē á-sī Gí-bùn Kàu-iók hák-hē. Siōng-hó 1-nī siat-líp 2 keng. Nā-sī án-ne, lán ê bó-gí kàu-iók chia<sup>n</sup> ē-tàng bián-kióng sng chèng-siōng. Lán teh beh tng-khùi ê Tâi-ôan Bó-gí chia<sup>n</sup> ū ki-hōe khoa<sup>n</sup>-khoa<sup>n</sup>-á koh óah--khí--lâi.

---

---